



Bosna i Hercegovina
Federacija Bosne i Hercegovine
Parlament Federacije Bosne i Hercegovine

Dom naroda

Sekretar

n/r gosp. Izmir Hadžavić

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Sarajevo, 24-02-2017
Broj: 01-02-7152/17

Prilijeno: 06-03-2017		
Org. jed.	Broj	Prijava/Vrijeme
05/2-	02-	69/17

Predmet: Odgovor na delegatsko pitanje od delegatkinje Draženke Subašić

Poštovani gospodine,

Saglasno Vašem pismu broj: 05/2-02-69/17 od 09.02.2017. godine, u nastavku Vam dostavljamo odgovor na delegatsko pitanje od delegatkinje Draženke Subašić, a po pitanju stanja i korištenja akumulacije HE Jablanica. Odgovor glasi:

Period izrazito sušnih hidroloških prilika tokom perioda septembar – decembar 2016. godine (osim mjeseca novembra), nastavljen je i u mjesecu januaru 2017. godine. Ilustracije radi navodimo samo ostvarenja u prirodnim dotocima vode za akumulaciju HE Jablanica: u mjesecu septembru 2016. godine dotok manji za oko 25%, u mjesecu oktobru 2016. godine dotok manji za oko 9%, u mjesecu novembru 2016. godine dotok veći za oko 8%, u mjesecu decembru 2016. godine dotok manji za oko 69%, a u mjesecu januaru 2017. godine dotok manji za oko 70%.

Samo iz ovako predstavljenih informacija može se zaključiti da je riječ o proteklom periodu karakterističnom po sušnim hidrološkim prilikama (osim mjeseca novembra), tokom kojeg je bilo nužno osigurati sve propisane uslove iz važećih vodnih dozvola za sve tri hidroelektrane JP Elektroprivreda BiH. To se posebno odnosi na činjenicu da je JP Elektroprivreda BiH osiguravala propisano ispuštanje vode nizvodno od svojih hidroelektrana. Pored toga, korištenje akumulacije HE Jablanica vršeno je tako da su se poštivali uslovi vezano za poželjna, odnosno granična stanje ove akumulacije. Od 08.01.2017. godine, zbog izuzetno niskih temperatura, povećane potrošnje električne energije i osiguranja urednog napajanja potrošača, ali i sigurnog funkcionisanja elektroenergetskog sistema, bili smo prinuđeni nastaviti proizvodnju HE Jablanica i na kotama koje su ispod minimalnog graničnog stanja za mjesec januar. Ovaj nivo vode u akumulaciji je već sa povoljnijim hidrološkim prilikama s početka mjeseca februara, pa do danas, povećan za najmanje 12 metara.

Važno je napomenuti da je HE Jablanica samo jedan od proizvodnih objekata kojim upravlja JP Elektroprivreda BiH. Obezbjedenje uslova iz vodnih dozvola predstavlja dio kompletnog procesa upravljanja proizvodnjom hidroelektrana na Neretvi i upravljanja akumulacijama, prvenstveno s ciljem da se obezbijede uslovi propisanog, minimalnog ispuštanja vode, što niti u jednom danu nije narušeno. Sušne hidrološke prilike koje su trajale mjesecima ostavile su značajan deficit u zalihama vode u

akumulaciji HE Jablanica (kao i u akumulacijama širom Regiona), ali svaki povoljniji hidrološki razvoj predstavlja prioritet u dovođenju stanja u akumulaciji na potreban nivo. Svi proizvodni objekti JP Elektroprivreda BiH dio su kompletnog sistema u kojem se vrši snabdijevanje potrošača električnom energijom, u potrebnim količinama, što je uredno ispoštovano i u periodima ekstremno niskih temperatura u mjesecu januaru 2017. godine. Nedostatak grijanja grada Zenice tokom mjeseca januara nije razlogom stanja u akumulaciji HE Jablanica, ali su taj nedostatak grijanja i generalno povećanu potrošnju električne energije, uredno podmirili svi proizvodni objekti JP Elektroprivreda BiH.

S poštovanjem,

Generalni direktor



Bajazit Jašarević

Co:

- Agencija za vodno područje Jadranskog mora
n/r Direktora, gosp. Damir Mrđen